

天水縣志卷之七

軍政志

天水挾陝控川地當要塞兵爭所在自昔已然前史特詳不須贅述即自民國以後攻守得喪勝敗之迹亦至繁矣兵禍之烈身受其患苦者恆哽咽不忍言即言之亦不忍詳也近年中央剿匪大軍雲集指揮規畫視茲土亦綦重焉邇則飛機既已通航鐵道擬定軌線擅朝發夕至之便扼鎖鑰控馭之樞未來之形勢更有不可量度者矣志軍政第七

軍制 紀事

民國初尙沿綠營舊制厥後改總鎮改鎮守使大抵某人履任即攜其所統之兵或新編無定額也漸至鎮名不立某人統兵來即爲戍守之人無專員也二十年經歷紛更不可不志

天水縣志 卷之七

一

蘭州國民印刷局排印

記也元年仍遊擊一員守備一員裁于總遞減額兵三年設秦州鎮任命馬國仁爲總兵統壯凱軍步兵三營馬隊一營步營額兵三百四十名分中左右各哨管帶一員幫帶一員哨官三員馬隊設管帶一員哨官三員長三員額兵一百二十名旋奉省令留馬兵一營步兵一營五月國仁拒匪戰沒西軍分統馬國禮統西軍三營護理鞏秦階道吳炳鑫統建威三營同駐縣四年春楊樹德接任改編建威三營爲巡防三營添騎兵一營礮兵一排七年胡立成接任添帶省防步兵一營餘仍舊是秋新建左軍統領吳攀桂帶步兵五營騎兵一營礮兵一營赴陰平鎮守使任亦駐於縣九年新建右軍統領吳桐仁添帶右軍兩營接任餘仍舊是冬孔繁錦帶省防軍三營援陝駐縣十年冬改總鎮爲隴南鎮守使即以繁錦接任收新建右軍二營巡防四營騎兵一營礮兵一排新建左軍步兵五營騎兵一營礮兵一

營更陸續添募保衛團三營游擊四營補充備補輜重工兵各一營左翼分統兩營右翼分統兩營憲兵一連分編爲三支隊散駐十四縣就地籌餉始開計畝抽捐之端又大開煙禁不種者竟有懶務之捐於是大興土木征工征料而民日困矣十三年又命繁錦爲甘肅邊防督辦兼援川總司令改編所屬爲三旅十四年以兩旅援陝駐汧隴十五年派兵進至隴西渭源定西臨洮各縣爲隴東聲援攻國民軍旋潰退幾不成軍是年秋國民軍第十三師師長張維璽以一旅之衆由蘭南下驅孔孔軍潰半入南路爲匪至今爲患張席孔之富有積蓄擴充至一師二旅槍械什物至不勝用派捐拉兵民困以增特紀律較佳爾十六年佟凌閣率第十一師來駐防因省城開釁河回六月農事正忙派夫掘城壕挑戰溝於北山挨戶搜木板有不可終日之勢佟固以堅守南口著名者也旋去留旅長李兆琨以一營徒手

天水縣志

卷之七

一一

蘭州國民印刷局排印

兵防城冬十一月河回萬餘由秦安南犯幸吉師長鴻昌率第三十師由甘谷至回軍受重創而退改任吉爲隴南勦匪清鄉司令十八年春調援甯夏倪旅長玉聲接防夏過師長之綱帶軍官數百人駐縣拉兵成軍騷擾殊甚從此到縣派捐提款徵發騾馬者有高樹勳張自忠劉兆祥皆統兵來供支不計刻期取數十萬雷厲風行至馮軍去甘乃止十九年陷爲匪區中央曾任匪首馬廷賢爲綏靖主任旋即撤銷迄二十年冬川軍鄧錫候遣其部牛錫光劉蒞冰鄧國璋等以師入甘走馬廷賢駐防未久陝甘綏靖主任楊虎城派警備師師長馬青苑以二旅西來川軍退二十一年秋八月馬與旅長韓世本失和馬南去韓代爲警備師師長實則本部一旅也十二月第二十八軍軍長孫蔚如率全軍抵境時赤匪徐向前部由鄂入川漢南告警越年正月孫全部往漢南中央第一師師長胡宗南接防蓋勁旅爲遏

匪北竄來者兵數約二萬有奇餉自軍政部發給於是派糧徵款徭役病民諸端乃頓息嗣合兵民力築道路關公園建飛機場倡自治興教育助商務而各方面凋枯之狀漸復繁榮二十四年四月調川剿匪繼之來者有第六十一師楊步飛部第十二師唐淮源部均爲日無多移防以去八月第五十一軍軍長于學忠以川陝甘邊區勦匪總司令率全軍到縣十月于任甘肅主浙全部西開由第七師接防十一月第三軍軍長王均率第十二師繼達此三年內各部軍咸受中央調遣或過境或戍守編制一本陸軍定章組織有備不備大同小異兵額不得詳矣

黃軍反正紀

楚人黃鉞前新疆提督黃鵬翼之子也自言奉黃興命以試用道來甘起事甘督長庚以同

天水縣志

卷之七

三

蘭州國民印刷局排印

寅子暱之爲募兵來秦適民軍起各省響應黃鉞亦謀樹幟獨立時張紳世英在州試辦輕弊恤民政策與官方齟齬黃利用其機許爲推行一二好事者趨之於正月二十三日出操爲名人大城據分巡道署劫向道桑虜張牧庭武殺遊擊玉潤於黃姓家繳新招防營後鎗槍械懸旂獨立設督都府適省派援徽昭武軍馬忠孝率回兵一營抵西十里部壓城而軍戰事在卽張紳左右調解飛稟省垣制止來軍婉勸黃鉞解散磋商至夏黃鉞始去凡遣散黃軍供應客軍共糜銀伍萬兩銀幣挪借由銀糧項下償還另有紀

白匪陷城紀

白匪起於魯山寶豐間本名閻以其奔竄迅急被以狼名初由段琪瑞勦辦段去位勢始張先竄老河口掠美孚油行炮械入商南敗陝兵於藍田由興漢之交入隴由通渭轉隴西東

下三年舊歷三月二十八日紛傳賊由北來馬緝國仁偕兵團馳赴遠門鎮值賊又在西忽接毅軍趙倂函屬辦糧秣以其無正式文移疑賊誦計置之時奉省令撥防吳砦兵四十名徽鳳兵四十名城防益形單薄馬鎮所恃者探報謂賊不多且無子藥不知賊於洛門全掠陳正奎軍大批槍彈凶燄復熾人伏羌槍擄一空西軍分統馬國禮退沙溝捏報賊已擊潰一由漳縣一由牛蹄灣下竄初八日馬鎮以步隊一營布防北山率馬隊二旗西出宿三十店初九日早折回屯王家磨與北山步兵成犄角勢賊騎突抵緱家橋擊斃數賊即馳去旋大隊至馬鎮死之事詳名宦國仁傳馬鎮既中彈步騎兵均退入大城賊始薄伏義城圍丁以上槍斃賊甚多相持至晚適天雨門藥不燃衆漸散賊扒城入數逾兩萬進占西關中城幾滿鎮兵退後馬國禮亦率隊山北山繞道入城與向道柔分守步隊連長張克成當大城

天水縣志

卷之七

四

蘭州國民印刷局排印

西門徹夜槍聲不絕賊首李鴻賓登民房指揮爲城槍所斃賊奪氣前縣知事康嗣縉開東門偕馬國禮逸現任張紹文繼之張克成亦被牽而去賊梯而登大城亦陷時平明也五城正在劫殺忽相率由南溝竄晌午已無一人蓋懼毅軍之議其後也蹂躪雖爲時無多千百年積蓄罄矣傷殺兵弁人民計共四百八十餘人係調查有姓名者事後援軍紛集計有毅軍留鄂軍吳炳鑫焦大聚馬錫武馬忠孝各軍供應不貲而馬忠孝軍騷擾殊甚至有攻陷堡砦事

葉軍攻城紀

邑爲川陝孔道又昔之大州也故有兵事首必及之民國七年舊曆九月十三日滇軍葉荃循渭濱小道潛入境十二日晚抵馬跑泉紀律嚴整不騷擾鎮民因尋常視之翌晨有來城

者相告語當事遣三騎直之至二十里一被執二人者逸敵諷七里墩樓爲城也遽開槍教場之駐兵方逍遙城市守衛者急驅居民倉皇拉礮入城閉門應戰敵分三路其一教場二分占南北山頭用大礮轟擊城垣無逾數十發槍聲不絕時加劇相持三日兩夜胡鎮組敢死隊謝連長趙紅旗等出爭皇城堡泰山廟左軍分統施德華以大礮掩護之敵始相率退斯役也雙方死傷無多連排長各一兵數人民間損失甚微食用稻米亦僅限於東鄉一隅然非新建左軍吳鎮守使攀桂械結而彈足胡鎮立成善戰亦危矣哉

河匪攻城紀

國民軍以全力博河回馬廷賢逃北京其强悍者四出聚衆殺掠北自甯靈西自甘涼攻邑毀堡蹂躪殆遍十七年冬回衆萬餘入隴南破秦安至縣北之南河川吉師長鴻昌駐兵隴

天水縣志

卷之七

五

蘭州國民印刷局排印

西聞之連夜馳至兵由西門入回衆未知也平明佈滿北山北關團總汝迪先死之吉師由東西門各派兵一旅出城設伏令城內兵不得登城惟使民夫以土槍應敵敵故不知吉來欺李兆鋸兵軍冒死四處爬城及午後下山者愈衆紳民大懼懇吉師長下令出兵以爲尙早懇之再三吉不得已令全軍登城大礮快槍同時俱發晨間出城之伏突起回衆不支驟潰追剿斃之約千人盡棄輜重於南河川而遁吉師長本欲誘之全聚城根由北山包圍一舉殲旃事後以紳民不知兵膽太怯以致下手太早意甚怏怏餘詳軍制篇

十八年冬回衆山西禮至縣南鄉折而至西鄉去城三十里時高李過三軍長駐防城中不敢攻城遂西去

河匪破城紀

十九年馬廷賢由京回甯夏糾合韓進祿王占麟馬入倉及各小股廷賢本將家子以門望共推爲魁帥復窺隴南其耿耿者實在天水時國民軍盡赴陝豫竄留一旅一團亦不可能省軍遙遙城守空虛乃由六區立團防紹保衛團三大隊聊以自壯忽駐成縣之新編土匪段鶴鳴來城駐防兵驕彈剛徒以大言欺人不知軍律漸至恣意衢市橫挑供支岌岌將亂旋聞回衆已由靜甯南來來函謂只供糧秣不擾治安段鶴鳴主戰江知事仁純助之以通匪恐迫紳民遂無敢言舊曆四月八日微明回衆已登北山一觀望間東西南皆有敵騎蓋全城入包圍人猶未覺城上開槍四射敵不還擊惟各處砍樹造雲梯辰巳間東門外炮攻劇烈江段潛遁民少不能守敵乃緣堞上先是五城此疆彼界各自爲守經自狼之亂以不能互相救助乃通而一之至是全城同時陷矣俄頃城關挨巷挨戶回衆如蜂之鬧衛搶者

天水縣志

卷之七

六

蘭州國民印刷局排印

搶殺者殺掘地毀壁橫尸遍地而大南門西稍門各驛死數百人有跳城出者有由水竄出者被戮於南山下又六七百人共三千餘其帶傷未死與婦人被逼不從或投井或斫死數無可稽凶醜未止中城回紳吳鴻年阿渾楊德富冒險往尋賈紳續緒出賈等先到新街全興恆店內見王占麟囑令辦糧賈至義倉糧台適廷賢訪賈善廷賢與賈爲舊識也寒暄之際廷賢與賈道歉賈卽以全城生命請卽同至賈宅請賈代撰簡明文告派副官三四人四出戒諭禁止搶殺殺機立止然背巷淫掠烤烙者猶未已也至晚大城師範學校東壁與西月城西關隆昌豐各市房火起賈又跪求廷賢出號召回兵救火幸未延及多處亦一倖事廷賢在賈宅駐紮七日始移舊道署組織司令部

段鶴鳴江仁純被擒後逃歸成縣爲王有邦所殺江爲馬廷賢參謀

自爲甘肅國民

革命軍總司令以韓進祿爲第一軍駐大城東關分防地爲秦安西和禮縣王占麟爲第二

軍全軍駐甘谷通渭武山馬入倉駐北關中城西關伏羲城王有邦爲徽縣成縣後防司令
更換十四縣知事設八大處雖軍紀不修而軍府以立

惟禮縣知事馬紹棠練團秦精十匪畏之初供
馬廷賢糧草而不肯受代韓世祿士占麟合兵
進攻應戰多傷哈紳銳曹紳繼緒曾往排解不得入城而返會姦人有獻地雷之策城因以陷居民死之十六鄉民避
亂入城及旅客尤無算馬知事全家遇害先昇秦安焚殺亦烈以事皆不涉本邑姑附誌大概於此

時省會兵軍爲息事計先聞廷賢攻秦安知必犯天水曾電哈賈二紳囑派人招撫電至已

破城三日也於是往復電商派五代表來五代表者甘谷任丹山臨洮秦鍾嶽天水龐天籟

及回界二人礮伯馬煥章導河馬桂芬也議定以廷賢爲師長改編後移防甘涼電省允准

并頒印信任秦反勸其乘虛圖省并聯平涼之陳軍隴西之魯軍廷賢乃立聯軍總司令部

派兵西上省方懼請助於西甯馬麟率部東下廷賢之兵不敵而潰損傷甚劇幸省軍不肯

追剿遂得晏然仍駐天水廷賢悟陳魯不已援深悔前事又立一呼籲和平委員會公舉城

天水縣志

卷之七

七

蘭州國民印刷局排印

紳蕭汝玉蒲之潤爲呼籲代表赴省遂復趨和平是年冬十二月馬鴻賓代理甘肅主席密

電韓進祿謂天水可駐固好否則遷移他縣由省撥派糧秣韓本怨望廷賢自以主席助之

乃據大城將倒馬而防守不嚴馬得脫身出城入西關第三軍部電調各縣駐軍包圍大城

維時北關中城西關伏羲城民戶商肆所屯兵之所供食供草狼貪魚爛而西關又立糧台

支應全軍中城當兩敵之衝以供給不力罰洋一千元麥麵一千斤全城有死之心無生之

氣矣賈紳繼緒出入城關雙方調停屈膝哀求卒無要領只許破城後不殺一人自二十二

日攻擊起砲火轟震七日夜至二十九日韓軍內潰韓宵遁馬軍大掠雖貧戶不免天主堂

不免尤甚於初破城時惟未殺人爲幸事定各軍回原防而隨營之浪人挈帶婦女留連民

房擾亂特甚時西鄉農民爲回所迫聚衆相抗號扇子會旋仆旋起
久以擾害地方惟事止楊家寺牡丹閣一隅無關大局二十一年南京派五視察員來甘廷賢

遣其參謀長馬建謨邀請蒞天水改編餘代表畏阻惟嚴爾艾者慨然自任初至尙爲百姓抱不平造冊改編嗣入告中央力爲馬廷賢解釋中央令爲綏靖指揮旅京同鄉訴嚴爾艾受賄政府只收回成命仍置膜外陝西主席楊虎臣又畀以警備司令之名以羈縻之所謂改編一人一槍無槍遺者不過紙上空談而已水深火熱路窮援絕矣忽三月間川軍第十四路總指揮鄧錫候電中央自願剿匪以黃隱爲司令黃隱未行先派牛指揮錫光劉指揮蒞冰鄧指揮國璋統兵入甘初猶審機伺隙至九月由徽成縣銳進馬進祿號黃團者回軍將也一戰而亡驍悍皆奪氣子藥久罄遂潰退不復能戰馬廷賢知大勢去調各軍集合東教場驟然相率北去時十二月初九日夜半也是夜城中散卒小有焚掠而大體不擾殊出意料邀天倖矣初十日川軍入城維持地方秩序民氣頓蘇十日之久各縣清肅十八日陝

天水縣志

卷之七

八

蘭州國民印刷局排印

軍一旅進至東二十里與川軍交綏而退川軍探陝軍大隊將至又聞魯軍由南邀其歸路乃宣言意在卹鄰不利土地於二十五日振旅歸川電召陝軍速來防守時有回軍殘部背哥兒者逗遛北路聞川軍去率衆直撲東門適馬青苑師長擊之去人心乃安回事亦告結東

馬韓之變

馬青苑來隴之後陰蓄異志謀貳於楊虎城韓世本者楊虎城之心腹也遂以副師長名義解其二旅旅長職適楊召集會議於西安馬遣一旅旅長陳養虛代表往潛事韓旋陳全則爲己圖之回防後乃聯韓謀倒馬機洩陳先出走以電話召秦安舉梅軒一團爲先發難計二十一年九月五日馬召韓世本及四團團長周某議事於師部時四團駐舊鎮守使署馬

密令舉團圍署勒繳四圍槍畢團行至師部門誤開槍馬急出視韓周乘間得脫陳次日至南鄉娘娘壩馬遣人追及仰藥死師部故道尹署比鄰第三中學校韓踰垣由中學登屋下匿賈紳續緒家時已晚八時許是夜四圍與舉團對抗槍聲轟發人情惶恐頗切危慮卒四圍不支乃繳械韓匿凡三日賈紳爲改裝命人自北城大慶門水竇引至隴縣楊虎城已聞訊率衆全界以兵與槍仍遣之使收集殘部代守馬職馬部於中秋前數日先後南去沿途略有騷擾城內街市停閉人多走避一日數驚全韓來始定

赤匪圍城記

二十四年夏赤匪徐海東股由陝竄甘八月初陷兩當七日抵利橋保安隊長白俊賢與團丁數人拒戰死九日至馬跑泉時第十二師大部西開第五十一軍接防部隊未到城中守

天水縣志

卷之七

九

蘭州國民印刷局排印

兵僅工兵兩連人心惶恐逃往北山一帶者甚夥營長尹繼勳縣長莊以綏與第一師教官李捷發等協籌防略尹率工兵守大城莊督團警守西關餘城花戶自守北山固有第一師築礮堡二座由西北軍官訓練班學員堵禦兵力雖單佈置尙周晚十時城被圍匪數以主力撲礮堡連被擊退攻城匪亦不逞斃僞營長一人於大南門黎明匪退西十里一帶謀再舉下午六時第十二師周副師長開勳率補充團自武山甘谷兼程抵達沿天靖山入城是夜匪知援軍至雙方無犯十一日晨匪由川口竄天靖山潛伏廖家峴晚省交通司令馬希武騎兵馳至韓家灣與匪略有接觸匪知城不可圖乃於十二日擾沿河鎮向秦安竄去是役官軍無死傷匪死數人沿途慘殺鄉民二十餘人公務員沿河鎮則有新編第一軍軍部祕書溫廷傑保甲編查員胡介厚秦登科聯保主任溫南軒保長馬建極東鄉則有聯保主

任楊琦保長張世清

黨務

民國元年邑人馬秉彝朱謨由陝西歸里組織國民黨成立黨部於天水西關官寺

現亦開設學校

正副部長各一人舉胡心如爲正部長馬秉彝爲副部長黨員百餘人嗣因共利黨勢盛國民黨受其阻擾經費又無所出遂即消滅至十三年夏中央黨部密派隴東李世軍來甘活動初抵天水宣傳黨義爲隴南鎮守使孔繁錦所阻力爲壓制李乃他去餘人皆匿跡消聲不敢談及黨字十五年秋省立第六師範學校校長王承燾與歸自南通之王新令上海之吳鴻業首倡組黨翌年夏適駱力學張澈自北京歸極爲贊助遂約同中師兩校教員張舉蕭椒石范生春張幟興亦渭學校校長李天煦成立縣黨部於後街公推王承燾爲執行

天水縣志

卷之七

十

蘭州國民印刷局排印

委員會常務委員駱力學爲組織部部長吳鴻業爲工人部部長張澈爲農民協會會長范生春爲青年部部長張幟興爲商民部部長王新令爲書記長蒲庸爲書記張舉李天煦張業功爲監察委員組織完竣呈報省黨部備案登記黨員五百餘成效頗著是年八月清黨事起諸委員爲官家所排陷王承燾被逮解蘭王范吳出走四方省部亦下令停止活動僅候補執行委員趙宗晉一人留守十月間省部又派趙珮蕭椒石張舉田俊胡鳴魏五人爲天水縣黨務籌備委員指定趙珮爲常務委員重新登記黨員整理內務於十七年元月開第一次全縣代表大會改選張幟趙宗晉等爲執行委員楊展雲田俊胡宗珩等爲監察委員正式成立第一屆縣黨部三月間又奉令停止七月間省派晏增麟馬剛馮占祿田俊潘丕謨爲黨務指導委員成立黨務指導委員會再行審查黨員於十二月間第二次全縣代

表大會改選晏增麟潘丕謨田俊王克誠聶從鐸爲執行委員張舉龐彬等爲監察委員成立第二屆縣黨部省又派趙萬祥爲指導員十九年元月開第三次全縣代表大會改選田俊王克誠潘丕謨趙蔭棠爲執行委員聶從鐸周秉中等爲監察委員同時省黨部派石懷玉牛鼎三爲工作人員嗣潘田均辭職是年五月馬匪廷賢陷城黨務卽無形停頓旋郭學禮以黨務視察員名義在前縣黨部成立甘寧青黨務視察員辦公處秋間西北討逆宣傳員鄭世豐王尙義汪鈞郭穎等組織黨務宣傳委員會冬十一月移省王文海李希賀劉錫海留守二十年元月間卽消滅九月甘肅省黨務整理委員會委派周錫瑞牛瑛張纘緒孟紹曾苟振元爲天水縣黨務整理委員金懷玉爲工作人員九月十五日成立天水縣黨務整理委員會其間因匪軍之掣肘亦不過僅存名義而已至二十年三月孟紹曾調派泰安二十

天水縣志

卷之七

十一

蘭州國民印刷局排印

二年牛瑛張纘緒被調省派王世昌接充八月以張鳴鶴代苟振元十月王世昌去職十二月以李騰光繼充二十三年七月周錫瑞調停清水黨教糾紛留清水二十四年八月以牛瑛代李騰光十月又派盧懷植爲整理委員

黨務近况

名義仍係整理委員會委員二人下設幹事二人助幹三人有直屬區分部一正式黨員十二人預備黨員三十二人經費每月地丁項下撥二百二十元地方補助一百元民衆團體已組織成立者有婦女協會理髮工會并附設初級小學一處